

真
今
泰
義

湘陰李輔耀謹署

卷之三

滇黔奏議序

章奏之有專書實始陸宣公奏議歷宋而著錄日繁然漢書藝文志已有議奏三十九篇奏事二十篇附之春秋家議奏十八篇附之論語家蓋春秋記事論語記言班氏準古左史右史之例就秦漢間進奏之文分錄之所由來遠矣自前代疏議存者皆以歷官年次爲程亦或因事爲類大都議論居多其施之事者亦但詳其措置之方而不必盡具成效故雲貴總督劉公奏稟若干卷起官雲南巡撫時前後十餘年所言多用兵方略及戰功顯著者蓋公以諸生起一旅從討賊轉戰川陝滇黔其立功川陝最著以

統於疆吏不能著之章奏其章奏實始雲南故其陳述兵事偉矣而在公則枝餘也明史稱譚襄敏公沈毅知兵朝廷倚以辦賊始終兵事垂三十年所著奏議曰閩稿曰蜀稿曰薊遼稿多陳論兵事之文公所爲奏議近之然襄敏官台守及浙江右參政爲時無幾其事蹟多在撫閩以後公積功至巡撫賊勢已就平矣故其戰蹟不列之章奏者爲多而章奏所入反少要其所述一皆行軍實蹟而功效亦以見焉則猶班史春秋記事之遺也冢君紹臣觀察襄輯其奏稿授之梓人而屬李幼梅觀察以編次校勘之役即其所陳兵事省括事機之緩急測量地勢之險易應幾

觀變以赴事功所爲發揚蹈厲贊中興之業者亦略具乎
其中 嵩壽論次其大旨著之於篇俾覽者詳焉時光緒十
有四年歲在戊子春正月湘陰郭嵩壽謹序

淮縣奏譜

月

二

滇黔奏議目錄

湘鄉劉嶽昭盡臣著

男鎮楚錫恩謹編

卷一

恭謝

賞給頭品頂戴摺子

恭謝補授雲南巡撫並陳明俟遵級軍務事定再行

赴任摺子

恭報接雲南巡撫篆並開用關防日期摺子

會奏會籌進兵機宜摺子

遵

旨帶兵前進現剿仁懷號匪先陳大概情形摺子

附奏帶兵由黔西大定進攻抵滇請

自飭下貴州遇賊平地方妥辦善後片子

奏陳官軍攻剿仁懷號匪疊獲勝仗摺子

附奏新添忠義兩營餉需照川勇章程動支滇餉片子

子

奏陳官軍攻克號匪巨巢仁懷漸就肅清並剿黔西

賊匪大獲全勝摺子

奏覆奉

旨辦理黔省軍務瀝陳現在地勢賊情摺子

奏陳官軍攻克平壩圭山等處賊壘連獲勝仗摺子
奏陳官軍攻克菜竹山老巢並降撫仁黔各寨馳剿
黔西上四里號匪摺子

奏陳官軍攻克沙窩賊巢黔西境內肅清現已分營
進剿疏通省路摺子

附奏黔中邊荒瘠苦分咨川黔設法採辦糧米片子

卷二

遵

旨專剿黔西大定賊匪現平黔修接界等處賊巢並平遠

解圍摺子

附奏黔西達清鎮貴陽均有兵練防守惟烏江必須
痛剿請

旨飭催席寶田迅速帶兵來遵並迤東各郡更須鎮撫片
子

附奏保舉隨營候選道員林肇元請

旨加恩錄用片子

奏陳剿擒黃號苗號兩股巨寇並撲滅蔡板空踞匪
黔大肅清摺子

附奏進剿平遠牛場苗匪片子

奏陳官軍剿辦豬拱箐苗匪疊獲大勝現已圍攻出

項老巢摺子

奏陳官軍截擊安平賊匪獲勝清鎮解嚴並往剿平

遠苗匪摺子

附奏暫駐黔西俟平遠事竣豬拱籌攻克卽取道赴

滇片子

遵

旨進呈滇省興圖摺子

並迤西各屬匪占城池首逆姓名賊眾多寡清單

奏陳解散賊勢安定人心以全大局摺子

奏陳滇軍攻克豬拱籌苗匪老巢大槩情形摺子

奏陳官軍進剿平遠苗匪獲勝仗已圍老巢摺子

附奏分撥兩營飭赴清鎮駐守片子

奏查滇軍攻克豬拱箐賊巢生擒首逆邊境肅清摺

子

附奏保護迤東未能入滇請

旨飭岑毓英剿匪後仍駐曲靖妥辦一切片子

奏陳滇軍攻克海馬姑苗巢蕩平積寇威寧鎮雄邊

境肅清摺子

附奏滇省勢迫飛飭岑毓英回滇鎮定及布置情形

片子

奏陳官軍攻拔牛場全數殄滅平遠肅清摺子

附奏剿辦白泥圭苗匪及楨匪卽移駐畢節取道入

滇片子

奏陳官軍回滇應援省城楚雄等處進剿西寇摺子
密陳滇省綱紀廢弛實在情形摺子

附奏平遠肅清該匪畏威投誠先行陳明片子

奏陳滇省軍務喫緊派營赴援摺子

卷三

奏陳滇省賊眾兵單添募新軍請撥協餉摺子

覆奏滇省軍務喫緊實難移師助剿摺子

奏陳白泥圭苗匪畏罪投誠解散歸業摺子

遵保攻克苗號匪巢肅清大定黔西仁懷在事出力

文武紳團懇

恩獎勵摺子

恭報起程入滇日期摺子

附奏催解協餉並再指款片子

恭奏行抵曲靖駐紮分軍力救省圍兼防東路摺子

恭謝補授雲貴總督摺子

恭謝

恩賞福字果乾奶餅摺子

奏陳滇黔現在軍情及吏治營務團練各情形摺子

奏陳滇圍難解請川軍移防爲剿以全危局摺子

附奏滇練難恃宜添客兵籌餉需片子

會奏請運粵鹽抵撥滇餉摺子

附奏懇調前任甘肅鞏秦階道金國琛來滇辦理營

務片子

卷四

奏陳官軍攻拔尋甸匪巢疊獲勝仗摺子

會奏查明滇省長運廣東銅斤未解歸款摺子

附奏省圍稍鬆糧路亦通並力剿西寇片子

會奏特參失守州縣城池文職各員摺子

會奏補參州縣城池失守教雜各員片子

會參州縣城池失守私通賊匪武職各員片子

覆陳到滇後籌畫布置實在情形摺子

附奏俟克尋甸督師進省片子

會覆酌議委員赴粵設局運鹽變價抵餉章程摺子

奏陳官軍進剿尋匪獲勝並親赴行營察看實在情

形摺子

奏陳攻剿尋甸疊勝並添軍會剿親詣督辦摺子

奏陳剿辦無功自請嚴議及失機將弁分別懲治摺

子

卷五

奏陳尋匪分竄官軍獲勝馬龍解圍餉道無阻並派

軍合攻尋城摺子

奏陳整軍進剿並滇省艱窘情形摺子

附奏已革將弁畱營効力並訊明不法副將賀連璧

正法片子

奏陳進攻尋匪並分兵援應普安摺子

奏陳官軍進剿尋匪獲勝並西南漢回投誠摺子

附奏尋城及嵩明逆目均懇請求撫片子

奏陳分派官軍援省並馳救普安摺子

卷六

奏報官軍援剿普安立解城圍摺子

附奏分別漢回解散脅從並親赴省垣派諸將合剿

迅解城圍片子

奏陳昭魯回務情形並起程赴省日期摺子

附奏東南賊營投誠省圍不難立解片子

會奏添派官軍剿克楚雄等城摺子

會奏安甯逆首馬清及前鹽井馬錫晉易門吳鳳臨

襲紹成均已訊明正法片子

會奏官軍收復昆陽殲除各逆州境肅清並分剿各

路賊匪摺子

會奏妥籌整頓營伍擇任鎮將分路進剿以靖逆氛

摺子

會奏補參失守城池知縣革職畱營摺子

會奏遊擊蘇開元疎防監犯參請革職畱營並蔡社
氏仍交馬如龍嚴加約束及訊明楊鳳翔劉映山
張開祥馬光耀四逆正法片子

會奏昭通回務就緒川援卽可撤回摺子

會奏督攻附省土堆卽可肅清片子

會奏補參失守城池文職各員摺子

會奏川滇官軍剿撫昭通並水營等處現已一律肅

清摺子

附奏擬撤楚軍以節川餉片子

卷七

會奏官軍攻克麗江等府廳州城及馬街紅巖巨巢
並請催解協餉摺子

會奏會商澂江新興軍務及察勘地勢情形片子

會奏官軍收復新興擒斬首逆並剿辦東溝館驛妥

籌善後摺子

附奏提督馬如龍認真辦事奮勇勤勞片子

會奏官軍攻克澂江府西山村等處賊巢摺子

附奏官軍圍攻鎮南並剿邱北開化廣南各屬逆匪

疊勝片子

會奏官軍攻克永北等城擒斬各逆地方一律肅清
摺子

會奏攻克鄧浪兩城及鳳羽等處賊巢擒斬各逆北
路肅清摺子

會奏提督馬如龍傷痊圖効趕緊籌餉片子

會奏川邊蠻匪竄擾滇境急籌剿辦情形摺子

卷八

會奏官軍攻克澂江府城擒斬各逆府屬肅清摺子

會奏官軍剿退巴蠻疏通餉道大永肅清並籌辦江

防摺子

會奏官軍進剿東溝疊勝並克小東溝賊巢殲除首

逆摺子

會奏保選從九品文童何勳前單誤寫附生應請更

正片子

會奏官軍攻克賓居賊巢並收復雲龍州城摺子

附奏改派坐催浙餉委員並派坐催江蘇廣東協餉

委員片子

會奏官軍攻克茂克賊巢開化府屬肅清片子

會奏滇省未復地方並將弁分投進剿遵

旨繪圖貼說進呈片子

會奏通籌全局添兵分剿並報岑毓英出省督辦起
程日期摺子

會奏官軍攻克永昌府城並乘勝合攻永平片子

會奏官軍攻破館驛等處巢壘並收復附賊夷寨摺
子

附奏迤西各路軍務片子

會奏官軍剿除威甯橫匪餉道肅清摺子

附奏馳報官軍收復大東溝片子

附奏會剿興義府等處片子

卷九

會奏官軍力破館驛並克田心等巢殲除各逆摺子
附奏官軍攻克哈臘左賊巢並雲南縣城指日可復
片子

奏陳官軍出境會剿貴州興義賊匪並派文職大員
總理營務摺子

奏陳官軍攻克永平雲南兩城及曲洞漾濞等處賊

巢摺子

會奏滇省軍務得手需餉孔急請

旨飭催各省協餉摺子

並附呈各省欠解滇餉銀兩數目清單

會奏官軍剿除館驛踞匪東南兩迤肅清遵保出力

員弁摺子

會奏彙報第四次查明陣亡官兵弁兵勇殉難紳民婦女請

旨分別旌卹摺子

並附呈清單三件

會奏候選同知陳泰琨報効軍火捐資帶勇到滇並

隨剿出力懇

恩賞免選本班以知府加道銜畱滇片子

會奏克復大理逆首伏誅全郡肅清摺子

會覆遵

旨查明迤西已復未復城池各情並辦理善後整飭捕務

片子

卷十

會奏查明雲南銅廠實在情形請另籌撥工本以資採辦摺子

會奏官軍攻克順甯府城並錫猛賊巢殲除各逆及

攻雲州獲勝摺子

附奏添派各軍規取騰越片子

會奏官軍攻克雲州城池逆酋悍賊悉數殲除摺子
會奏彙保節次克復城池賊巢擒斬首要各犯尤爲

出力文武員弁紳團摺子

會奏川滇邊界游練土匪聚眾滋事兵團剿辦獲勝

摺子

附奏兵練甚眾糧餉艱難提督馬如龍暫緩開拔片

子

附奏懇請貴州巡撫曾壁光暫緩入都

陞見片子

會奏官軍攻克騰越並各賊巢雲南全省肅清摺子

會奏查明副將闔門殉難懇

恩旌卹建祠摺子

會奏表揚忠節懇

恩旌表建祠片子

恭奏籲懇

陞見摺子

會奏請建已故督臣勞崇光專祠摺子

會奏懇

恩將已故督臣恆春從優議卹並其妻博禹特氏照例旌

表片子

會奏懇

恩賞准紳民請將前撫臣徐之銘開復議罪一切處分照

例賜卹片子

恭謝

恩賞五十生辰物件摺子

恭謝

賞穿黃馬褂摺子

江黑琴言

目錄

滇黔奏議卷一

湘鄉劉嶽昭蓋臣著

男錫鎮楚謹編

恭謝

賞給頭品頂戴摺子

同治四年六月

奏爲恭謝

天恩事竊臣於本年六月初四日在遵義行營接到四川

督臣駱秉章行知欽奉

上諭劉嶽昭著賞給頭品頂戴等因欽此當卽恭設香案

望

闕叩頭祇謝

天恩伏念臣湖湘下士材質庸愚勉從事於戎旃功非大
有屢記名以道府位遂同升陳演臬而

特畀維藩領楚軍則仍司剿賊每念邊隅未靖全局宜籌
適當黔寇方張前驅敢後仰賴

皇威遠暢攻克正安渥蒙

帝念微勞

寵加異數舉首映貂蟬之采幸忝分一品之榮同心掃孤

鼠之巢實本藉羣材之力臣未酬

高厚私懷冰淵師古人尚不忘危三山共戴祝

天子聖而能武四海永清所有舊感激下忱謹繕摺叩謝

天恩伏乞

皇太后

皇上聖鑒謹

奏

軍機大臣奉

旨知道了欽此

恭謝補授雲南巡撫並陳明俟遵綏軍務事定再行

赴任摺子 同治五年十一月

奏爲恭摺叩謝

天恩仰祈

聖鑒事竊臣於本年二月二十三日在綏陽軍營准四川

督臣咨開正月二十三日奉

上諭劉嶽昭著補授雲南巡撫等因欽此當卽恭設香案

望

闕叩頭祇謝

天恩伏念臣湖湘下士知識庸愚自從事於戎行卽屢蒙

乎

恩眷

丹毫記注陳滇臬而

特畀屏藩黔境馳驅克州城而

褒加品秩冀櫈槍之淨掃邊圉永清愧涓滴之未酬冰淵

時懷茲復渥承

綸綯

簡擢封圻重任逮膺莫名其妙感悚查雲南爲邊陲要地軍務
本極繁難吏治尤宜整頓如臣懦昧深懼弗克勝任
惟當殫竭愚忱力圖報稱統籌全局相度機宜並隨

時與督臣勞崇光和衷商酌認真辦理賴

臣

勞崇光和衷商酌認真辦理賴

聖主德威之遠播俾斯民衽席之同登以期仰答

高厚鴻慈於萬一

臣

現擬督飭各軍趕緊剿辦黔匪俟遵

綏軍務事定卽至川省與崇實駱秉章妥商一切再

行馳赴新任所有

鑑

感激下忱謹繕摺叩謝

天恩再

臣

尙未准前任撫

臣

林鴻年將雲南巡撫關防賚

送前來

臣

現在綏陽行營因縣城尙未克復未便借用

綏陽地方官印信是以繕摺後敬謹封固專弁資

至成都省城借用四川布政使印信以昭慎重理合

陳明伏乞

王太后

皇上聖鑒訓示謹

奏

軍機大臣奉

旨知道了該撫俟遵綏軍務事定卽恪遵前旨馳赴新任
會同勞崇光等辦滇省剿匪事宜毋庸折回川省致滋
遲誤欽此

恭報接雲南巡撫篆並開用關防日期摺子 同治五

年五月

奏爲恭報 簿接篆日期叩謝

天恩仰祈

聖鑒事竊臣奉

旨補授雲南巡撫當卽於謝

恩摺內陳明俟遵綏事竣馳赴成都與督臣會商一切事

宜

臣行至巴縣途次准前任撫臣林鴻年派委員弁

賫送雲南巡撫關防暨行營文卷移交前來

臣恭設

香案望

闕叩頭祇謝

天恩謹於五月二十六日在成都開用關防伏念臣智識

顓愚渥蒙

殊遇畀以封圻重任當此邊陲未靖舉凡軍務吏治均須

認真整飭

臣惟有殫竭愚誠實心實力與督臣勞崇

光會商妥辦上慰

宸衷下蘇民困以冀仰酬

高厚生成於萬一至進剿機宜

臣謹會同四川督臣駱秉

章另行具奏外所有微臣開用關防日期理合繕摺叩

謝

天恩伏乞

皇太后

皇上聖鑒謹

奏

軍機大臣奉

旨知道了欽此

會奏會籌進兵機宜摺子 同治五年五月

奏爲會籌進兵機宜摺具

奏仰祈

聖鑒事竊臣等承准軍機大臣字寄同治五年四月十五

日奉

上諭勞崇光已入雲南省城非劉嶽昭督軍繼進不足以壯聲援而資鎮攝前經諭令劉嶽昭疏通道路馳赴滇省仍著該撫遵奉前旨督飭各軍節節進剿將黔西大定畢節一帶土匪殲除卽帶果後各營相機赴任毋稍遲延等因欽此臣劉嶽昭奉

旨後卽於五月十九日輕騎馳抵成都省城與臣駱秉章
崇寶面商一切伏查自克復綏陽之後遵郡各鄉均
經剿撫兼施漸次肅清惟西鄉間有賊寨尚在負隅
而黔西仁懷股匪時復勾結突竄妄籌大局臣劉獄
昭自應遵

旨統帶果後各營卽由遵義節節進剿先將仁懷黔西大
定畢節一帶各股賊匪次第殲除惟該處地方在在
與川省連界恐其此擊彼竄臣崇寶駱秉章當飭沿
邊防軍隨方調撥要截擊以免闖入川疆蹂躪腹
地並查雲南鎮雄之豬拱箐老巢地既險要賊勢尤

強與川黔邊境犬牙交錯實爲三省之患現雖經勞
崇光派署雲南藩司岑毓英由鎮雄進剿亦祇能攻
其一面臣等公擬將黔西一帶賊匪殲除之後臣劉
嶽昭卽由畢節進攻豬拱箐以期掃蕩堅巢殄平巨
寇藉紓三省之患臣劉嶽昭於此次發摺後仍卽馳
赴遵義行營料理進兵俟將黔滇道路疏通自當遵
卽赴新任此後沿途情形及一切戰事與川省相去較
遠當由臣劉嶽昭隨時專摺
奏報所有會籌進兵機宜謹合詞恭摺由驛具
奏伏乞

卽赴新任此後沿途情形及一切戰事與川省相去較遠當由臣劉嶽昭隨時專摺奏報所有會籌進兵機宜謹合詞恭摺由驛具

奏報所有會籌進兵機宜謹合詞恭摺由驛具
奏伏乞

洪武卷一

卷一

皇太后

皇上聖鑒訓示謹

奏

遵

旨帶兵前進現剿仁懷號匪先陳大概情形摺子 同治五
年七月

奏爲遵

旨帶兵前進現在籌剿仁懷縣屬號匪先陳布置大概情
形恭摺仰祈

聖鑒事竊臣於克復綏陽及遵義解圍後卽將全營分駐
遵郡各要隘並飛咨貴州撫臣張亮基迅飭該處文
武辦理善後事宜旋奉

諭旨命臣由黔西大定畢節一帶節節掃蕩肅清道路相

機赴任臣蒙

恩擢任滇撫自當以滇事爲先與川黔雖三省攸分審安危則一氣相應隨卽單騎馳赴成都與兼署督臣崇實督臣駱秉章悉心商酌會籌進剿事宜前經聯銜恭

奏在案嗣於瀘州途次接准四川督臣宗寶轉咨欽奉寄諭劉嶽昭於克復綏陽後曾經諭令該撫由黔西一帶節節掃蕩疏通道路直抵滇省該撫何以不候諭旨輒行回至川省殊屬粗率不曉事體現既帶兵回川若再令回黔不免徒勞往返劉嶽昭當惶遵疊次諭旨迅卽

統率所部赴滇任事毋得在川逗遛致負委任等因欽此伏查臣所部並未帶回川境仍駐遵郡惟臣全軍久資川餉川邊防務皆近滇黔黔氣靖則川界無虞黔路通則滇賊可辦地形皆脣齒相依行兵必首尾兼顧使賊匪無牽制我軍之處始可用專力以保滇疆查遵義府所屬最近川界雖當新定之後而開州修文等處逆首何得曠大股時行竄擾其甕安首逆王子範所踞高臺窯山又與遵東接壤均不可無兵堵禦臣曾商之兼署督臣崇實督臣駱秉章抽撥數營前赴擇隘防守兼可爲臣軍糧路聲應現探得黔

西大定畢節賊匪股數尚多剽忽無定而仁懷之大
圭寺小圭寺及黔仁接壤之瑤村馬滾坡等處地勢
險峻現有大股號匪數千人踞爲巢穴肆出焚掠若
不先將此股撲滅則我軍一入黔西後路必虞抄襲
臣現督飭畱防遵義各營剋期拔發直攻大圭寺等
處賊巢臣酌帶數營橫出仁懷會合各營調度夾擊
此處得手再從黔西大定節節剿辦庶不致前後跋
疐惟是道路紛岐山高地險誠恐此擊彼竄伏莽藏
奸現已飛咨川省並飭滇邊文武加意防守併力殲
除以期迅速叢事所有由黔赴滇籌剿沿途賊匪布

置大概情形先行馳奏伏乞


皇太后

皇上聖鑒訓示謹

奏

軍機大臣奉

旨口力有旨欽此



附奏帶兵由黔西大定進攻抵滇請

旨飭下貴州遇賊平地方妥辦善後片子

同治五年七月

再雲南自漢回構釁以來兵連禍結迤東爲餉道必

經之路大理爲首逆盤踞之區

臣

接篆後卽刊刻告

示先行曉諭使良回各安生業莠民早悔禍心其已

陷賊中現在輸誠受撫者仍許以自新安其反側至

於吏治營伍廢弛已久上年督

臣

勞崇光到省後維

持全局鎮定人心署提

臣

馬如龍感激

天恩力圖報効署藩司岑毓英剿辦鎮雄賊匪亦屬得力

臣初膺疆寄刻懷冰淵遇有公事與督

臣

往返札商

深受其益凡遇同官亦各時加策勵共濟艱難此次
帶兵出黔西大定一帶節節進攻即可早抵滇省惟
黔中羣盜如毛飄忽無定如剿平一處即須拔營前
進無畱兵代守之理倘州縣不得其人恐兵去賊來
勞而無益又復牽制我軍相應請

旨飭下貴州撫臣遇有軍務地方賊平之後迅委賢員妥
辦善後至軍務機宜臣仍隨時與兼署四川督臣崇
實督臣駱秉章悉心商辦以期周密是否有當伏乞

聖鑒訓示謹

奏

軍機大臣奉

旨另有旨欽此

奏陳官軍攻剿仁懷號匪屢獲勝仗摺子 同治五年

九月

奏爲官軍分投攻剿仁懷號匪屢獲勝仗由
具陳仰 祈

聖鑒事竊臣前將籌剿號匪布置大慨情形業經恭

奏在案惟仁懷縣城屢經失陷號匪分踞山寨恃其險

阻抗拒官軍縣屬馬滾坡賊首名楊閃西羊窩賊首

名周大汝大小圭賊首偽元帥譚姓鄭姓簸箕壩大

壩賊首汪草登楊四妹接壤黔西州屬之平壩菜竹

山逆首何正舉石偽王等皆各有老巢肆出焚掠互

相響應黨與眾多遂致五六百里間幾無完土黔西
在仁懷之前此時若先辦黔西非特道路不通且仁
懷號匪必抄襲我軍之後又與川界之綦江敘永江
津合江等處犬牙相錯難保其不侵犯川疆臣一面
密飭先鋒各營約期會剿一面自率護衛各營駐紮
仁懷縣屬之溫水汛地方隨時策應本年八月十七
日副將鄒復勝自泮水新寨白蜡坎一帶進攻平壩
該逆何正舉率賊五六千人先踞巖孔要隘列營八
座分屯於玉黃閣三層巖老乾營三處十八日丑刻
參將張登得李元堂降人劉奇義等各率隊伍前進

平明將至巖孔賊卽出戰我軍連放劈山大礮轟燬
賊目五人李元堂乘勝橫衝斬賊數十人張登得率
隊繞出賊後兩面夾擊賊卽敗出巖孔仍分守玉黃
閣三層巖老乾營三卡張登得李元堂劉奇義王喜
魁等率兵攀援石壁直逼卡門施放火箭賊柵悉燃
我軍乘勢撲入殺賊數百名立將三層巖賊卡攻破
鄒復勝督隊分攻玉黃閣老乾營等處先繞小路自
上壓下陣斬及落巖死者約計千人生擒僞元帥陳
大升僞先鋒許得超朱老五何老帽等二十餘名正
法奪獲僞帥印一顆令旗刀械共三百餘件馬牛四

十餘頭酉刻賊眾奔還平壩我軍卽駐巖孔扼其險
要馬滾坡之賊分據閔山溝羅鍋井河壩羊壩等處
九月初七日提督謝景春總兵謝景星劉維耕副將
喻德俊張松林謝景武等帶兵由彭家溝沙溝兩路
分進先剿河壩羊壩之賊殺賊百餘人賊卽退集於
閔山溝羅鍋井我軍分路跟追守壘不出隨卽拋擲
火彈環以鳥鎗斫柵直入賊死甚眾立將閔山溝羅
鍋井攻克餘賊紛竄回馬滾坡簸箕壩我軍卽進
紫蕭家壩武安寨以備攻剿至大小圭與小灣羊窩
之賊聲息相通時分時合九月初七日總兵宋華美

胡其竭楊廣順督隊先將小灣之賊擊退合攻羊窩
賊首周大汝執旗大呼揮眾接仗我軍三路排擊陣
斬僞將軍何占龍等十餘名賊且戰且退奔回山頂
木寨我軍仰攻兩時之久多受石傷時已昏黑收隊
回營賊匪亦於是夜潛遁歸合平壩伏而不出先後
據該將領等稟報前來臣查仁懷各匪負固多年未
受懲創以致民心愈涣賊膽愈張兼之山勢太高地
形奇險尚有陰林密箐人跡罕到之處亦醜類嘯聚
之區此次官軍深入不能不節節疏通而賊匪往來
又苦於時時無定臣己督飭各營由蕭家壩瑤村進

攻馬滾坡簸箕壩等處之賊並令總兵吳安康鍾福
俊沈茂勝副將楊正高帶兵橫趨火石崗二郎壩一
帶爲三面夾攻之計尙有黔西屬平壩筭竹山等處
仍令鄒復勝一軍先扼要隘免致與仁懷各匪鉤連
合爲巨寇仍俟仁懷肅清之後併力進攻庶不致有
前後跋扈之慮至仁懷縣城已作無人之境貴州本
無一兵一餉斷難保此殘疆倘使賊踞爲巢必致重
煩兵力臣所部各營分投攻剿實屬應接不暇再四
籌思擬抽撥一營揀派得力文員招集鄉民同往駐
防尙未知能否應手除將陣亡兵勇查明彙辦外所

有分投攻剿號匪虜獲勝仗緣由理合由五百里具

陳伏乞


皇太后

皇上聖鑒訓不謹

奏

軍機大臣奉

旨覽奏均悉著卽迅速進剿肅清仁懷以圖進取毋稍鬆懈餘依議欽此



附奏新添忠義兩營餉需照川勇章程動支滇餉片

子

再臣於同治元年二月帶勇六千餘名入川援剿四年十月因黔邊賊數太多各營又患時症實難分布復添募川勇一千名均由四川發餉本年七月因川中籌餉維艱卽將川勇撤去稍資節省惟三月攻克綏陽之候城中投出男婦數千均已分別遣散降人吳元彪本係帶勇之弁後因無餉爲眾所逼走險弄兵今旣反正來歸卽應仰體

朝廷寬大之恩予以自新之路其中精壯者挑選一千二

百名分爲忠義前後兩營嚴加鈐束四月間隨同官
軍攻克同心寨賊巢現又迎剿黔仁號匪俱能出力
自三月至五月底臣以綏城所獲之米發作口糧六
月後由臣設法支持七月初一以後竟無可再籌之
款當於滇餉項下動支照川勇章程辦理事竣彙銷
是否有當伏乞

聖鑒訓示謹

奏

旨知道了欽此

軍機大臣奉

奏陳官軍攻克號匪巨巢仁懷漸就肅清並剿黔西

賊匪大獲全勝摺子 同治五年十月

奏爲官軍攻克馬滾坡簸箕壩號匪老巢仁懷縣境漸就肅清現已分兵駐城彈壓並剿除黔西來蘇場賊匪大獲全勝由驛馳陳仰祈

聖鑒事竊臣於本年九月二十日將分剿仁黔號匪獲勝

緣由恭摺具陳在案旋據提督謝景春總兵宋華美等稟稱九月十三日進攻馬滾坡該處有扁山洞後巖寨上寨下寨四壘我軍先攻前路賊首楊門西及其僞元帥楊大漣等率眾二千餘人出戰因其地勢

太高我軍佯卻引賊下行鎗礮擊之總兵劉維耕副
將謝景星等督隊橫衝截爲兩段斃前路之賊三百
餘人後卽奔回扁山洞時欲追剿而上下兩寨之賊
排列半山宋華美胡其竭帶隊繞至後巖寨火箭焚
燒賊柵斬獲八十餘人卽將隊伍陣於山頂拋擲火
彈繼以矢石半山賊驚謝景武喻德俊等揮眾同登
遂克扁山洞宋華美謝景春兩軍乘勢夾擊斃賊千
餘而上下兩寨同時並拔據生擒賊供楊閃西楊大
潼均殲於陣又探得大小堊大壩之零匪潛歸於簸
箕壩分掘火石塘雞鵝池官坪天板凳班鳩井等處

臣

以賊形散漫利在速剿小路叢雜勢必疲兵卽飭各營移紮於相近之處列爲小隊分路截殺二十二二十三二十六等日將火石塘等處一律掃平其竄箕壩之前爲劉家祠後爲小巖子賊黨分屯其處十月初九日黎明謝景春宋華美往攻劉家祠吳安康沈茂勝楊正高往攻小巖子劉維耕謝景武胡其竭楊廣順張松林等分隊環於左右劉家祠之賊初出抵禦卽斬執旗賊目數人賊退入祠點燄以衛我軍火焚其屋斃賊甚多小巖子之賊爲吳安康等所破斬其僞元帥田萬順石應祥安明幘劉本耀苟澤巽

等簸箕壩之賊知已失險遂傾巢而出我軍環攻分擊格鬪縱橫自午至酉斃賊數百人敗歸後我軍卽於劉家祠高阜開礮對擊又選勇丁多昇柴草委積於賊巢四圍連放火箭噴筒二更燄起巢內賊潰自後門衝出者約斃千餘人由前門衝出者拚力死戰我軍前環鳥槍間以長矛賊勢不支爬山越澗黑夜狂奔當卽分道追剿至初十日黎明計行五十餘里沿途賊屍枕藉不下二千餘人此攻克馬滾坡簸箕壩之情形也其副將鄒復勝一軍已紮巖孔臣令其銳意進攻平壩老巢詎逆首何正舉石僞王等兇狡

異常分股僞將軍李久成扼泥壩石胖子王守後山
寨復於來蘇場依山築壘外環木城遣其僞大元帥
李遇堂聚悍賊於中二二十日參將王喜魁李元堂降
人吳奇忠金仕耀等攻克泥壩斃賊百餘人二十三
日石胖子王率眾出攻葫蘆洞民寨鄒復勝率勇擊
敗卽乘勝進攻後山寨克之斬其僞都督傅有舉僞
龍興侯龍大武僞將軍彭沅開等臣接稟後卽飭令
移營燈竿堡逼近來蘇場並將各營分別部署嚴防
急剿勿受牽制先飭參將張登得降人劉奇義設伏
於路二十八日卯刻鄒復勝率副將王與仁參將李

元堂等督隊齊進木城內賊礮如雨前者多傷鄒復
勝先用大礮直轟寨門王喜魁躍上木城揮斧猛斫
身受鎗傷金仕耀喝眾劈開木城數段隊伍擁入毀
之王喜魁執旗躍上土牆又被矛傷而墜王喜魁奮
起復登大呼殺賊左腿復中鎗子卽時昏倒牆外金
仕耀繼進被矛傷而顛其時眾有難色鄒復勝赤足
持矛揮軍擁進王與仁吳奇忠李元堂往來衝突陣
斬僞軍師張老先僞將軍龍應元等鄒復勝生擒僞
大元帥李遇堂正法奪獲護法教主僞印一顆本部
兵馬大元帥僞印一顆共計斬擒二千餘人奪獲馬

牛旗械無算其平壩來援之賊又爲張登得劉奇義
擊退此撲滅來蘇場賊匪之情形也臣查仁懷號匪
如馬滾坡簸箕壩大股老巢現俱攻克敗竄餘黨飛
飭各營由茅臺等處截剿來蘇場之賊殄滅盡淨臣
飭鄒復勝駐營該處卽由此進攻平壩並添派提督
謝景春移營進攻篆竹山聯絡聲援廓清黔西東路
至仁懷縣城被陷空虛之後數月無官臣已飭吳安
康楊正高兩營前往駐守彈壓並搜捕零匪一面出
示招集流亡使之及時歸業惟黔民久苦於羣盜之
縱橫又畏悍圍之掩詐此時若無良吏治之恐老弱

者仍聽死亡少壯者轉爲匪類其弊有不可勝言者

臣現已飛咨貴州撫

臣

迅飭賢員接署令其加意撫

綏以期仰副

聖主除暴安良之至意打仗之四川補用副將鄒復勝謀
勇兼優身先士卒擬請

賞加總兵銜參將王喜魁力戰受傷堅持不退擬請以副
將補用降人吳奇忠劉奇義愧奮圖報屢著戰功均
擬請以千總拔補並

賞戴藍翎加守備銜可否之處出自

逾格鴻施陣亡之千總唐楨祥蕭楚勝把總羅啟勝林孝

友黎孝慶相應請

旨飭部從優議卹以慰忠魂其餘在事出力及傷亡勇士查明彙案獎卹所有攻克號匪巨巢各緣由謹繕摺由六百里馳陳伏乞

皇太后

皇上聖鑒訓示謹

奏

軍機大臣奉

旨另有旨欽此

奏覆奉

旨辦理黔省軍務瀝陳現在地勢賊情摺子

同治五年十

一月

奏爲先後奉

旨辦理黔省軍務瀝陳現在地勢賊情恭摺奏

聞仰祈

聖鑒事竊

臣

於本年十月初四日在溫水汎行營接准四

川督

臣

駱秉章兼署督

臣

崇實來咨承准軍機大臣

字寄同治五年九月十二日奉

上諭劉嶽昭現尙未出黔境著卽暫緩赴滇先將黔西大

定之賊節節掃蕩嚴扼遵義一帶與湖南援剿之師土
下夾擊使賊首尾不能兼顧以冀先清黔境等因欽此
十月十五日復接准四川督臣駱秉章兼署督臣崇

實來咨承准軍機大臣字寄同治五年九月二十二

日奉

上諭大定黔西等處賊勢既衰本省兵練足敷剿辦自可
勿庸借助鄰援其安順賊氛延蔓郎岱廳之各股狹苗
號匪及盤踞興義府城之回匪勢均猖獗黔省餉絀兵
單難於兼顧著劉獄昭卽率勁旅由遵義馳赴安順興
義郎岱一帶將各匪節節剿洗並將興義府城克復肅

清黔省用竟全功劉嵩昭現在遵義所有仁懷縣屬木城一帶餘匪著該撫於起程時先行剿除再行馳赴安順等處其黔西州餘匪卽著張亮基飭令該地方文武實力搜剿務須殄除淨盡勿留餘孽等因欽此欽遵各在案伏查仁黔地方千有餘里賊匪滋擾十有餘年其初散練游民形同烏合後則戕官陷邑贍益鴟張今仁懷縣已於本年六月間復失城中焚掠一空悍賊分踞堅巢仍復披猖四出臣督飭諸軍實力攻剿現已辦理完竣地方漸就肅清其前署知縣汪麗金於受傷後遠避鄉村旋卽身故久已官不問賊民不

知官臣由溫水拔營至良村圖書壩桑木埢一帶師行極險皆冰霜荆棘之叢糧運維艱每升斗豆區而計其困乏情形有非奏牘所能盡陳者撫臣張亮基謂仁懷賊壘一律剗平或就汪麗金一面之詞尙未知縣城被陷已兩月之久也黔西之賊厯次攻剿獲勝緣由臣已隨時

奏報現據署大定府知府馬應鏗稟稱黔西悍賊聚於打鼓新場請卽派兵進剿署畢節知縣茹含章稟稱黔西至鴨池河兩岸皆賊文報不通偵探委員副將鄧連陞知縣劉德銘等稟稱清鎮之賊已至黔西之

濫泥溝分擾沙窩狗場其遇母洞清水塘老鴉寨衙
院木花溪九倉埡均係賊巢每股少則百人多則數
千人其賊首有僞龍元帥僞魏王張啟貴曹應隆鄭
長印等率黨肆擾無兵攔阻前署貴西道鄧爾巽已
於十月初九日拔營進省州城祇有練勇四五百人
勢甚單薄各等語是黔西之賊强悍正多黔省之兵
支持不易人所共聞共見至木城伏莽卽平埡菜竹
山之黨菜竹山等處攻克則木城在所必除撫臣張
亮基所稱兵團搜剿辦理尙易得手或六七月間之
事非現在之事也以現在論之遵義一帶川防甚爲

周密臣所部兵勇共七千餘人境入黔西已二百餘

里勢不能中道折回致令前功盡棄卽使由遵義渡
烏江轉戰而前則何逆賊黨縱橫數百里間亦不能
飛越修文開州卽至安順興義況貴陽爲省城重地
文報不通現在安順興義卽岱安南各府廳縣之地
勢賊情軍行糧道一時尙未得其底蘊卽不敢豫定
進征之策也刻下貴陽孤立無援四郊多壘譬如治
病者咽喉不能下藥心腹不能運氣而欲起四肢痠
痺之症雖良醫亦有所不能臣輾轉思維惟有恪遵

前

旨先辦黔西如黔西肅清則保清鎮以達貴陽顧大定兼
防川界其時通計賊情咨商川黔督撫或專攻烏江
王巢或分剿上游各匪自當仰承

聖訓節節掃除庶我軍無跋前疐後之虞黔省無顧此失
彼之患正所以仰副

皇上平一股再辦一股之至意臣愚昧之見是否有當謹
繕摺先行由驛覆陳伏乞

皇太后

皇上聖鑒

訓示遵行再下游路多梗阻臣已派人前往偵探日久

並無稟報廣西按察使臣嚴樹森尙未到營此摺未
與會商合併陳明謹

奏

軍機大臣奉

旨另有旨欽此

奏陳官軍攻克平壩壘山等處賊壘連獲勝仗摺子

同治五年十一月

奏爲官軍攻克平壩壘山等處賊壘連獲勝仗恭摺仰
祈

聖鑒事竊照仁懷號匪前已剿辦完竣惟是屢遭變亂民
志紛紛當撥總兵吳安康副將楊正高兩營馳往縣
城用資鎮定兩旬以來流亡稍臻安集行旅亦漸疏
通臣已飭代辦知縣鍾毓珣將善後各事宜會營妥
爲經理黔西來蘇場之賊業經副將鄧復勝剿除其
平壩菜竹山等處地險巢堅拔之非易現探得上游

竄匪又多歸附其中逆首何正舉倡亂已久黨與甚多與烏江之何二強盜互爲響應臣飭鄒復勝整師備戰隨調提督謝景春率隊由茅臺進紮吳馬口使之聲勢聯絡並派辦理營務之已革藩司蕭浚蘭前敵指揮相機應變臣自溫水進駐桑木埢居中調度惟攻桑竹山之賊必須先取平壩查該處築土爲城外環木柵濠深數尺復加竹籬數層其中房屋叢密相距里許半山又列小營二座卽通桑竹山往來之路初十日寅刻鄒復勝率領各營分路直抵賊巢賊眾堅壁不出鎗礮外施吳奇忠金仕耀等率隊斫去

竹籬李元堂王與仁等各以梯搭長濠眾軍皆渡以
柴草環積木柵拋擲火彈鄒復勝親點劈山大礮賊
立不住奔入土城我軍卽乘火勢進攻土城之賊仍
復拚命抵殺都司劉德彰千總李春發俱受傷不退
與李元堂王與仁吳奇忠金仕耀等均各呼軍冒刃
架梯而登鄒復勝以長矛截殺悍賊十餘人各隊齊
上愈戰愈厲賊眾譁潰遂克平壘殺賊千餘人生擒
何正舉之弟何惡人偽軍師毛先森汪偽元帥馮偽
先鋒賀偽將軍袁偽元帥等八十八人正法奪獲偽
平西侯大紅旗一面護法教主偽印一顆牲畜器械

無算其半山之小營在右者經鄒復勝已派守備陳
楚傑團首唐德明自高處將火礮焚其草柵團勇擁
入攻破殺賊八十餘人向右小營知不能守自潰而
出截殺殆盡正攻平壩之際菜竹山之賊分黨自山
後來援鄒復勝先派張登得劉奇義埋伏小路之兵
遂起追殺計斬擒二百餘人賊仍敗歸於菜竹山其
山孤峯屹然三面壁立頂有平岡卽何逆焦逆石逆
等之巢穴四圍林箐周以石牆自麓至巔約五六里
前路紓迴逼仄其下平行處接連賊營二座山背十
里許之圭山又有賊壘一處臣飭鄒復勝一軍由平

壩直逼萊竹山謝景春一軍由吳馬日夾擊總兵宋
華美各營分屯觀音場楠木壩爲兩軍策顧十月十
六日鄒復勝督隊進攻巖下賊營賊眾外出抗拒內
復堅守我軍分爲數隊且戰且圍將在前之賊營環
匝鄒復勝李元堂吳奇忠等率隊撲入賊營賊遂紛
紛驚潰自內奔出各隊更番接戰斃賊六七百人稍
後之賊營人數較少都司劉德彰守備陳楚傑唐德
明出隊往攻先施鎗礮賊見前營已圍其氣早奪我
軍登壘之際賊由轟破之牆奔來勢極蒼黃咸無鬪
志卽竄左邊小路我軍追殺賊眾自相踐踏斃於懸

江寧志書 卷一
巖叢莽者不可勝計望山之賊有僞元帥王姓熊姓
爲長其中裏脅最多臣密遣人於賊巢近處張貼投
誠免死告示並分諭各營如有臨陣棄械投誠者毋
得概行誅戮以孤賊勢二十四日大霧迷漫賊皆不
備提督謝景春總兵劉維耕謝景星等出隊進攻寨
內被脅之眾聞官軍已至自內奪門而出我軍生擒
賊目王姓熊姓正法並斬老賊一百餘人其被脅良
民不敢抗捕及老幼之眾均分別陸續遣散並搜出
平西侯僞印一顆各處稟報前來除飭蕭浚蘭鄒復
勝謝景春等相機進攻菜竹山外所有連獲勝仗緣

由理合繕摺由驛具陳伏乞

皇太后

皇上聖鑒訓示再四川候補直隸州知州周祖頤帶勇打仗歷著勞績在營病故應請

旨飭部議卹此次傷亡勇丁彙案辦理合併陳明謹

奏

軍機大臣奉

旨另有旨欽此

奏陳官軍攻克菉竹山老巢並降撫仁黔各寨馳剿

黔西上四里號匪摺子

同治五年十二月

奏爲官軍攻克菉竹山賊巢大獲勝仗分路降撫被脅
民寨捕斬首逆多名現已飛飭各營馳剿黔西上四
里號匪恭摺仰祈

聖鑒事竊照菉竹山踞匪前已將其附壘掃平十月二十一
五六等日賊於山前險隘累石爲卡負固於中臣以
困獸猶鬪久則變生添派總兵宋華美率領一軍馳
往該處會同提督謝景春副將鄒復勝連營圍剿並
札已革藩司蕭浚蘭就近審度形勢激勵軍心期於

必下二十八九等日各軍往攻破其石壘斃賊六十
餘名其老巢飲水取汲山泉復於三十日派隊躡出
小路塞斷水道賊覺來爭斬其僞將軍黎白旺等二
十三名是夜二鼓蕭浚蘭會商謝景春鄒復勝宋華
美等先設疑兵飭副將王與仁謝景武參將王喜魁
李光堂等分路埋伏各營揀派勁勇數百名多用藤
牌鎗礮攀藤緣磴併力仰攻另飭副將楊廣順率數
百人潛退出營數里之外自遠至近列炬鳴鼓而前
又派隊於四山叢莽因風縱火以助聲勢維時仰攻
之兵上施鎗礮賊眾據牆擲石互有傷亡同時伏兵

火起照耀巖谷總兵謝景星劉維耕副將胡其竭參
將張松林軍功吳奇忠劉奇義等督隊抄圍山後登
壘羣呼賊益驚愕紛譁前後不顧謝景春鄒復勝宋
華美等率隊將前牆轟破伏兵愈集愈多賊匪且戰
且走遂紛紛突圍而出自巔至麓被官軍混殺者一
千三四百人墜巖落澗者無算奪獲黔西營游擊銅
關防一顆木質僞印四顆擒斬僞元帥潘有明徐大
五蔡玉誠石明星等五十餘名救出難民七百餘人
據供黑夜火起兵多何焦二逆不知下落尙有前次
攻破黔西仁懷荔波之僞平西侯譚繼虞及譚半二

蔣廷彪周輔臣楊大滿楊二童等本在山內兵至先逃等語十一月初一初二等日我軍追至峯落河白臘場沿途斃匪五六百名其餘殘賊悉向亂山越竄該處絕無人煙未便窮追始行收隊此攻克菜竹山老巢之詳細情形也其菜竹山以南自鐵匠坪九倉壩及清水塘一帶爲黔匪犯川之路寨多被脅之民臣疊經出示如有悔罪投誠者免予誅戮卽飭謝景春等分路廓清相機剿撫十一月初四日攻鐵匠坪九倉壩陳才有鄭長印等率眾乞降初五日攻天保寨寨中痛哭呼號僉稱本係良民爲逼登舉迫脅所

致卽斬其首來獻初六日攻張啟貴之廣勝寨適川
防之副將許蔭棠督隊前來並收其眾初七日攻曹
家寨執其首僞元帥曹應漋該犯兇狡異常屢侵川
界卽時正法其餘被脅巖洞二十餘處老弱婦女一
萬餘人分別造冊令其安插僞札軍械悉數呈繳此
降撫仁黔各寨之大概情形也總兵吳安康副將楊
正高等於收復仁懷縣城後搜捕餘匪先後將譚繼
虞蔣廷彪周輔臣譚半二楊二童等五名擒獲臣親
提研鞫各供謀逆陷城不諱立予梟首以儆兇頑再
前次貴州撫臣張亮基所奏有木城伏莽臣查葉竹

山附近賊壘列木爲城本無定處現已俱攻燬札查
黔西州知州喻懷信稟覆州屬來蘇場平壩之賊紮
有木城因有是名並無其地又稟州屬共係上下九
里所有下五里之賊業已被官軍剿除現在上四里
之濫泥溝四方井沙窩大化竹龍場乾堰塘等處皆
爲賊據逼近州城隨探得濫泥溝之賊將及萬人麤
集於沙窩一帶連日稟報到臣卽飛飭謝景春鄒
復勝各率所部馳赴黔西州城會同貴州文武合力
剿辦先爲貴陽聲援兼顧川防邊界宋華美一軍進
紮打鼓新場用備遵義之緩急臣督領吳安康等兩

營暫駐仁城以期上下策顧此次出力文武紳園及
傷亡勇士彙請獎卹所有剿匪撫民各緣由理合由
驛馳陳伏乞

皇太后

皇上聖鑒訓示謹

奏

軍機大臣奉

旨另有旨欽此

通鑑

卷

三

奏該官軍攻克沙窩賊巢黔西境內肅清現已分營
進剿疏通省路摺子 同治五年十二月

奏爲官軍攻克沙窩凹腳賊巢大獲勝仗黔西境內肅
清現已分營進剿濫泥溝鴨池河等處疏通省路恭
摺具

奏仰祈

聖鑒事竊查黔西上四里之賊先在濫泥溝四方井大化
竹龍場乾堰塘等處滋擾者中有下游苗匪裹脅難
民將及萬眾盤踞距城二十五里之沙窩場屢撲州
城勢甚猖獗知州喻懷信黔西營游擊黃加富等布

置城守甚爲周妥

臣

先派之鄒復勝一軍仍恐單薄

續派提督謝景春總兵謝景星馳往合剿並與貴州

撫臣張亮基所委之副將李忠恕會商辦理本年十

二月初四夜密令降卒數人混入賊巢乘機應變初

六日卯刻謝景春謝景星等出隊至離巢四里之黃

家埢口賊擁大股迎拒我軍以鎗礮排擊出入數次

軍功任元發率勇橫入賊陣擒斬僞將軍龍大起僞

百戶周恩科賊匪愈戰愈厲總兵劉維耕副將謝景

武喻德俊彭興科于總制劉景陽等分投衝敵殲斃僞

元帥顧元彪僞將軍張得虎等並紅衣賊七人賊眾

且強仍不稍退鄒復勝督隊自中路馳至李忠恕督
隊自左山壓下與賊鏖戰逾時之久副將王與仁參
將李元堂千總吳奇忠劉奇義突陣衝殺生擒苗匪
麻大五潘大五侯老先生並髮賊二十餘人時巢內
老賊蜂擁抵禦礮石交下勇多受傷參將王喜魁軍
功金仕耀斬擒苗匪胡格老等一百餘人謝景星引
軍對攻賊巢巢內先入之降卒舉火相應我軍四面
合攻乘勢掩殺賊眾前後驚愕紛紛奔潰遂克沙窩
我軍追至洛結河時已申刻始行收隊共約斃賊二
千餘人救出難民七百餘人奪獲僞印三顆牲畜旗

械無算黔西境內肅清當攻剿沙窩之際修文股匪
韋四王曾丑王發科曾大五苟老帽等率黨一千餘
人由黃沙渡木花溪取道占踞黔屬之凹腳圍攻衙
院民寨臣恐該賊繞出東南與沙窩援應當飭駐紮
打鼓新場之總兵宋華美楊廣順副將胡其竭胡鳳
岐等迅往堵剿十三日申刻我軍至距衙院里許賊
正圍寨宋華美領隊猛擊賊駭卽奔追殺數里斃賊
二百餘名十四日辰刻進攻凹腳賊卽分門出拒宋
華美鎗斃黃衣執旗賊二名楊廣順胡鳳岐等併力
燒巢焚燬賊棚斃賊三百餘名敗賊向白果坪竄去

我軍追殺及撲河死者尤眾其豺狗洞打魚洞兩寨
居民久爲賊脅該寨首王福林潘大三等率眾投誠
當令雜髮歸業予以自新各等情臣查沙窩現在攻
克州城業已解嚴地方漸臻靖謐惟沿河一帶小路
紛岐榛莽叢翳本係逋逃之藪賊每出沒無常仍飭
鄒復勝親率各營嚴防邊境實力搜捕自黔西至省
以濫泥溝鴨池河爲必由之徑現飭謝景春分布禁
營相機辦理卽爲貴陽聲援副將李忠恕於獲勝之
後已護餉進省堪以仰慰

宸厰至臣統師入黔時逾半歲業已肅清仁懷全境收復

城池並攻克黔西之平坝來蘇場菜竹山沙窩等處
賊壘保護州城疏通貴陽大路所有歷次在事出力
之文武員弁紳勇不無微勞可否容臣擇尤彙案請
獎之處出自

逾格鴻慈打仗陣亡之把總謝恭武賀宗成陳丹桂朱宏
發四員相應請

旨飭部議卹以慰忠魂傷亡勇士照章辦理所有攻克賊
巢疏通省路各緣由謹繕摺由驛馳

奏伏乞

皇太后

皇上聖鑒訓示再臣頃據大定府知府馬應鏗稟稱大定
現在無事平遠州被圍已久城守甚危等語除再行
偵探外合先陳明謹

奏

軍機大臣奉

旨另有旨欽此

淮黑奏詩

卷一

附奏黔中邊荒瘠苦分咨川黔設法採辦糧米片子

再臣奉

旨由黔西一路進剿現在黔西屢獲勝仗先聲早達貴陽
餉道已通人心自固惟近省之龍里貴定清鎮屢次
被殘創深痛鉅開州修文等處久爲盜藪肆出蔓延
賊踪既忽去忽來地方亦旋得旋失實有剿不勝剿
防不勝防之勢且黔中邊荒瘠苦閭閻素鮮蓋藏兼
以兵燹之餘遺民百無一二臣軍所需糧米仁黔已
萬分支絀羅掘全空清鎮則野盡榛蕪米無升勺此
時若乘勢渡江恐中道糧絕卽譁潰堪虞不得不倍

加嚴慎除由臣分咨川黔督撫熟商機宜設法採辦
外謹據實陳明伏乞

聖鑒謹

奏

軍機大臣奉

旨另有旨欽此

